

Ceix Buonh Deic Jiu-bang Nyei Za'eix (CHURCH MINISTRIES)

Jiex gorn nyei waac: Jiu-bang se benx Ziouv Yesu liepc daaih nyei jiu-bang (institute). *“Yie oix liepc yie nyei jiu-baang yiem naaiv norm la'bieiv gu'nguaaic. Daic nyei qaqv yietc liuz maiv haih hingh jiu-baang.”* (Matv^taai 16:18) Ninh dingc ziangx za'eix, yaac maaih waac (ging-sou nyei waac) paaiv ninh nyei jiu-bang mienh hiuv duqv horpc zuqc hngangv haaix nor ceix jiex ninh nyei jiu-bang, ei ninh ganh dingc daaih nyei za'eix ceix. *“dauh oix zuqc faix fim mangc gaax hngangv haaix nor ceix.”* (1 Ko^lin^to 3:10)

I. Jiu-bang liepc daaih weic haaix diuc?

Mbuo oix daav haaix nyungc za'eix ceix jiu-bang, mbuo horpc zuqc hiuv ndaangc gorngv Ziouv Yesu liepc jiu-bang daaih weic haaix diuc? Mbuo cingx haih ceix daaih doix-diuc caux Ziouv Yesu nyei za'eix. Ging-sou njaauc mbuo hiuv duqv jiu-bang liepc daaih weic, taaih ceng fai bouh Ziouv Yesu nyei mengh hoc faaux. (Exaltation) jiu-bang maaih daaih weic hinc ninh ganh (Giduc nyei sin) bun lungn ndiev mienh buatc. (Edification). Jiu-bang liepc daaih weic zunh Ziouv Yesu njoux en nyei kuv fiex bun lungn ndiev mienh. (evangelism) Jiu-bang yaac liepc daaih weic taan fai capv ninh nyei guoqv cuotv, (Extension) naaiv nzunc bun mbuo zaah mangc yietc nyungc yietc nyungc nyei eix-leiz.

1. Jiu-bang ziangh daaih weic taaih ceng fai bouh Ziouv Yesu nyei mengc hoc. (Exaltation-The church existing for Christ)

7 Daaux nzuonx ninh maaih nyei nyungc-nyungc siev jienv guangc nzengc, zipv nouh nyei fiem-fingx, benx dauh baamh mienh. 8 Za'gengh maaih mienh nyei fangx zeiv. Ninh ganh yaac laengz zoux faix, muangx Tin-Hungh nyei waac taux daic, taux zuqc yiem ziepc nzaangc jaax daic. 9 Weic naaiv Tin-Hungh taaih ninh zoux gauh hlo jiex, yaac bun ninh maaih mbuox gauh hlang jiex maanc mbuox nyei mbuox. 10 Hngangv naaiv, weic taaih Yesu nyei mbuox, yiem tin-dorngh, yiem yaangh gen, caux yiem yiemh gen nyei yietc zungv oix zuqc gueic njiec baaix. 11 Dauh dauh oix nyiemc Yesu Giduc zoux Ziouv, ziouc taaih Zangc Diex Tin-ungh. (Fi^lip^poi2:7-11)

Jiu-bang jiex gorn yiem mbuo baamh mienh zieqv duqv Ziouv Yesu se dongh Giduc, ziangh jienv wuov dauh Tin-Hungh nyei Dorn (Matv taai 16:16) jiu-bang nyei mouz deic yaac jiex gorn yiem mienh zieqv duqv gorngv mbuo ganh se maiv zeiz mbuo ganh nyei ziouv aqv, mbuo zuqc Ziouv Yesu longc ninh ganh nyei maengc daic yiem ziepc zaangc jaax maaih mbuo daaih benx ninh nyei miaqc, Ziouv Yesu ganh hngangv horpc zuqc zoux mbuo nyei Ziouv, zueiz jienv weic maaih hatc maaz gunv mbuo yaac zoux jiu-bang nyei m'nqorngv. Mbuo horpc zuqc mbuoqc ninh, zoux ei ninh nyei za'eix dongh biux mengh bun mbuo hiuv yiem ging-sou wuov, weic njang laangc ninh nyei mengh.

“22 Tin-Hungh yaac zorqv maanc muotc hiety Giduc nyei zaux-ndiev, paaiv ninh zoux jiu-baang nyei m'nqorngv gunv jiu-baang nyei nyungc-nyungc. 23 Jiu-baang se Giduc nyei sin yaac zoux bun Giduc dunh yunh nzengc. Giduc se dongh bun nyungc-nyungc dunh yunh nzengc wuov dauh”. (E^fe^so 1:22-23)

“Meih mbuo maiv hiuv fai? Meih mbuo nyei sin se Singx Lingh nyei din, Tin-Hungh bun daaih nyei Singx Lingh yiem meih mbuo guh nyuoz. Meih mbuo nyei sin se maiv zeiz meih mbuo ganh nyei, se Tin-Hungh nyei. Tin-Hungh maaiz meih mbuo daaih jaaix haic, hngangv naaic meih mbuo oix zuqclongc meih mbuo nyei sin taaih Tin-Hungh.” (1Ko^lin^to 6:19-20)

“18 Meih mbuo hiuv duqv Tin-Hungh zuoqc meih mbuo yiem ong-taaix, doic jiex doic, maiv lamh longc nyei jauv cuotv daaih. Ninh maiv zeiz longc haih zitc nyei ga'naaiv hngangv jiem fai nyaanh. 19 Ninh longc Giduc jaaix haic nyei nziaamv zuoqc meih mbuo. Giduc se hngangv maiv waaic fangx yaac maiv maaih dorngh nqemh nyei ba'gi yungh dorn nor.” 1 Bidec1:18-19)

“8 Oix zuqc faix fim, maiv dungx bun haaix dauh longc baamh mienh nyei cong-mengh hnamv cuotv daaih nyei leiz fai kung-waac ~~wake~~(wack) meih mbuo. Se nduov meih mbuo gan baamh

mienh doic nzipc doic nyei leiz caux yiem gunv ndaamh lungh nyei mienv daaih nyei leiz, maiv zeiz yiem Giduc daaih. 9 Weic zuqc Tin-Hungh nyei fiem-fingx yiem Giduc nyei sin nzoih nzengc. 10 meih mbuo caux Giduc juangc maengc ziangh ziouc nyungc-nyungc maaih nzoih. Giduc yaac gunv yietc zungv yiem ndaamh lungh maaih lingc maaih qaqv gunv sic wuov deix.” (Ko^lo^si 2:8-10)*

“18 Ninh zoux sin nyei m’ngorngv, se dongh jiu-baang nyei m’ngorngv, yaac zoux gorn bun sin ziangh jienv. Ninh dongh daic mingh aengx nangh daaih nyei daauh dauh weic bun ninh yiem maanc muotc zoux da’yietv.” (Ko^lo^si 1:18)*

(Aengx mangc Yohan 19-21; Maako 14-16; Matv^taai 27-28)

Jiu-bang nyei za'eix dongh dengv taux naaiv norm muoz deic

A. **Buoqc zangc baaix ceng nyei gong (Dorh leiz baaix nyei gong) = Worship Ministry**

Muoz deic: Weic zuqc buoqc zangc baaix ceng (zoux leiz baaix) benx yietc norm zoux maaqc jiex nyei gong yiem jiu-bang, zoqc-zoqc yietc norm leiz baaix zoux nzunc, yaac longc jienv jiex. jiu-bang mienh qiem zuqc hiuv duqv ninh nyei zien eix-leiz, cingx haih zien zien nyei zaangc Tin-Hungh. *“zien zien nyei zangc Zangc Diex wuov deix oix longc Singx Lingh caux zienx leiz zangc. Weic zuqc Zangc Diex lorz naaiv nyungc mienh zangc Ninh.”(Yohan 4:23)* Ging-sou yaac gorngv Tin-Hungh maiv oix mienh longc zuih baengx taaih ninh mv baac hnyouv leih go Tin-Hungh (Mat^taai 15:8; Aa^motv 5:21-23)

Hnangv haaix nor zoux.

- 1) Njaaux porv bun jiu-bang mienh hiuv tuax buoqc zangc baaix ceng (Worship) nyei eix-leiz.
- 2) Lorz dongh bieqc hnyouv yaac maaih hnyouv taux baaix ceng nyei mienh,caux maaih zingh nyei daaih liuc leiz dorh buoqc zaangc baaix ceng nyei guan.
- 3) Liepc buoqc zaangc baaix ceng nyei guan jiex daaih, maaih borqv lorh nzox, patv daanh baah, borqv Piano, baaux nzung mienh.
- 4) Njaaux ninh mbuo hiuv taux ganh oix zuqc ndorm muonz maaih baaix ceng nyei maengc, maiv daan leiz baaix hnoi hnangv.
- 5) Njaaux ninh mbuo hiuv taux ninh mbuo nyei gong se
 - a. Fongc horc nninh mbuo ceng nyei qiex caux ceng nyei waac bun Tin-Hungh
 - b. benx qiex gorn dorh mienh baaux duqv zuqc pou, baaux duqv mbui.
 - c. hinc longc nzengc hnyouv ceng nyei nyungc zeiv dorh jiu-bang doic haiz oix caux jienv mbuo fongc horc ceng nyei qiex bun Tin-Hungh.

***Faix fim jiex maiv dungx mingh lorz mbuo ganh nyei buonc, bun mienh ceng mbuo, weic zuqc Tin-Hungh ganh nduqc dauh forpc zuqc duqv njang-laangc.
- 6) Dorh ninh mbuo horqc nzung ndaangc taux leiz baaix hnoi.
- 7) Ginv nzung dongh maaih eix-leiz taux fongc ceng Tin-Hungh nyei waac, dorh mein h jangx taux Tin-Hungh cing-nzengc, Tin-Hungh ndongc haaix longx, ndongc haaix hlo, ndongc haaix nernh, ndongc haaix korh lienh mienh, hnamv mienh, maaih en zing ndongc haaix hlo bun mbuo, Ninh nyei mengc dongc haaix jaaix bun mbuo.
- 8) Bun qangx jiu-bang mienh maaih buonc caux jienv fongc horc ceng, yiem zingh ginx nyei waac lengc jeiv nzung. Longc sin zaangc zoux eix leiz fongc horc ceng bun Tin-Hungh.(body worship)
- 9) Ceix jiex lun wuov baan, fuqc jueiv, mienh lunx mienh, taux buoqc zaangc baaix ceng nyei jauv.
- 10) Cernx, leux (training) buoqc zaangc baaix ceng nyei jauv bun ninh maaih longx jienv faaux.
- 11) Yaac bungx fongc bun maaih qangx haih tiuv duqv zorc duqv nyei, eix Singx Lingh dorh.

2. Jiu-bang se liepc daaih weic biux mienh fai hinc Ziouv Yesu ganh (Edification)

“11 Dongh naaiv dauh fungx zingh nyeic bun maanc mienh. Maaih deix duqv zingh nyeic zoux gong-zoh. Maaih deix duqv zoux douc waac mienh, maaih deix duqv zoux zunh kuv fienx nyei mienh, maaih deix duqv goux jiu-baang nyei mienh, maaih deix duqv zoux fin-saeng. 12 Ninh hhangv naaiv nor zoux weic liuc leiz ziangx Tin-Hungh nyei mienh zoux Giduc nyei gong weic ceix jiez Giduc nyei sin. 13 Zuov taux mbuo yietc zungv dongh diuc hnyouv sienx longx, hiuv Tin-Hungh nyei Dorn, mbuo ziouc ei lingh wuonh nyei jauv benx domh mienh, yaac dunh yunh hhangv nzengc Giduc. (E^{fe}so 4:11-13)

yietc nyungc longc jienv haic nyei jiu-bang nyei muoz deic se oix zuqc bun jiu-bang mienh nyei maengc goiv yienc. Naaiv qiem zuqc oix zuqc zorn- mbenc henv nyei Ging-sou horqc bun jiu-bang mienh, fai maaih cernx leux (training) taux hhangv haaix nor zoux Giduc nyei sai-gorx, fai hhangv haaix nor zoux zingh ginx bun maiv sienx nyei mienh yietc dauh zoux zingh gin bun yietc dauh muangx. (personal evangelism) yaac oix zuqc njaaux sienx nyei mienh yiem jiu-bang hiuv duqv hhangv haaix nor siev ganh weic tengx ganh dauh, laanh tengx laanh, laanh ceix laanh, bun ninh mbuo hiuv taux jiu-bang se Giduc nyei sin, Tin-Hungh bun singx-lingh gapv mbuo daaih juangc benx hnagv yietc dauh mienh, yietc norn sin wuov nor.(interdependent members) dauh dauh jiu-bang mienh zipv duqv Singx Lingh nyei zorqc zorqc se yietc nyungc zingh nyei daaih longc weic ceix jies ziangh norm Giduc nyei sin (jiu-bang.) *“16 Giduc gunv jienv sin zangc nyei nyungc-nyungc, bun sin daaux duqv horpc, yietc hlamx yietc hlamx bangc nyatv daaux jienv ziouc gapv jienv benx yietc norm sin. Sin zangc nyei nyungc-nyungc zoux horpc ninh ganh nyei gong wuov zanc, laanh ziouc hnamv laanh, sin yaac manc-manc hlo, ceix ganh jiez daaih.” (E^{fe}so 4:16)*

“15 Meih oix zuqc longc naaiv deix waac njaaux mienh. Yaac oix zuqc longc nzengc meih nyei hatc maaz kuinx mienh, gorngv-hemx mienh”. (Titdatc 2:15)

“Oix zuqc mbuox mbuo nyei mienh hoqc longc ninh mbuo nyei ziangh hoc zoux longx nyei sic weic duqv hnoi-hnoi qiex longc nyei ga'naaiv. Maiv oix ninh mbuo yiem seix zangc zoux maiv cuotv haaix nyungc.(Titdatc 3:14)

“Meih mbuo oix zuqc hnoi-hnoi laanh kuinx laanh, da'faanh corcmaaih dongh mienh heuc, “Ih Hnoi” nyei hnoi, weic maiv bun meih mbuo haaix dauh zuqc zuiz nduov ninh hnyouv ngaengc.” (Hipv^{lu} 3:13)

“Mbuo yaac oix zuqc hnamv mangc gaax, hhangv haaix nor haih tengx laanh yietc ze hnamv laanh, yietc ze zoux kuv sic. 25 Maiv dungx guangc maiv gapv zunv zoux leiz-baaix, hhangv maaih deix mienh guangc guenx nor. Daaux nzuonx laanh oix zuqc yietc ze kuinx laanh weic zuqc meih mbuo hiuv duqv Ziouv siemv zuiz nyei Hnoi taux fatv aqv.”(Hipv^{lu}10:24-25


“Zuangx gorx-youz aac, se gorngv zorqv duqv haaix dauh dorngc haaix nyungc zuiz, meih mbuo ei Singx Lingh zoux nyei mienh oix zuqc longc suonc hnyouv dorh ninh nzuonx daaih zoux horpc. Mv baac meih mbuo oix zuqc faix fim.Nziex ganh yaac zuqc nduov zoux dorngc. 2 Haaix dauh maaih haaix nyungc sic oix zuqc laanh tengx laanh ndaam. Hhangv naaic meih mbuo ziouc ei jienv Giduc nyei lingc zoux.” (Gaa^{laa}tie 6:1-2)

(aenx mangc Lomaa 12:4-8; 1Ko^{lin}to 12-14; Gong-zoh 4:34-35)

Jiu-bang horpc zuqc mbenc za'eix (Ministries) daaih dengv taux naaiv norm jiu-bang nyei muoz deic, weic zeiz Giduc mienh maaih maengc zuangv Ziouv Yesu.

A. **mbenx oix dongx jaa nyei mienh.**(Marriage Preparation and development ministry)

Muoz deic: weic zornng-mbenc dorn caux sieqv dongh hiuv doic benx gorngv waac mienh. Tengx ninh mbuo lorz Tin-Hungh nyei za'eix hiuv duqv gengh horpc zuqc caux doic dornng jaa nyei fai? Yaac tengx ninh mbuo hiuv duqv cing-nzengc nyei gan doic. Yaac tengx ninh mbuo haih hingh jhex seix hnyouv nyei sic, yiem ih jaax hnoi waaic nyei leiz fingx.



Weic zuqc

- 1) haaix dauh hiuv duqv Giduc hngangv naaix nor paanx taux ninh nyei maengc nor ziouv maaih gorn ndorqv bun mbuo haih duqv zoux horpc bun mbuo nyei cai-doix.
- 2) Jiu-bang nyei gong haih mingc deic yaac haih henv se gauh camv yiem hmuangv doic cuotv. Se gorngv hmuangv doic wuonv yaac henv nor jiu-bang yaac henv caux jienv.
- 3) Haaix dauh maaih qangx duqc haiz Tin-Hungh nyei waac nor, gauh camv haih mbuoqc Tin-Hungh, maiv gunv Ging-sou nyei waac doix-dekc ninh mbuo zoux nyei za'eix, fai ninh mbuo nyei oix.
- 4) Benx mbuo jiu-bang nyei gong tengx ninh mbuo horqc hiuv taux zien hnamv, yaac tengx zaangv kuinx ninh mbuo maiv dornngc zuiz.
- 5) Pouh tong dorn caux sieqv maiv nange gunv taux ninh mbuo gorngv-waac mienh nyei maengc, ninh nyei die maa hngangv haaix nor dorh hlo daaih, sienx fim henv fai maiv henv, hnamv Tin-Hungh fai maiv hnamv. Lingham wuonh benx domh mienh aqv fai. Mbuo ziouc haih maaih duqv tengx ninh mbuo jangx taux naaic.
- 6) Dongh zornng-mbenc ninh mbuo gorngv ziangh caux gapv huon naaiv benx longc jienv haic nyei qangx haih tengx duqv ninh mbuo, weic zuqc ninh mbuo gauh suonc hnyouv bun doic. Gauh suonc hnyouv bun njaaux nyei mienh zipv njaaux nyei waac, suonc hnyouv bun doic, yaac suonc hnyouv buoqc Giduc.
- 7) Dorh ninh mbuo buangh doic nyei ziangh hoc. Benx longx haih nyei ziangh hoc bun mbuo haih duqv mbenc ninh mbuo nyei lingh wuonh hlo benx domh mienh, dorh ninh mbuo hiuv duqv taux oix faix fim haaix nyungc jauv dongh haih hoic zuqc ninh mbuo dornng jaa nyei seix. Hngangv haaix nor taaih doic, weic tengx ninh mbuo dornng jaa nyei sei maaih baengh orn.
- 8) Leih liuz aengx oix siang dornng jaa nyei mienh or, mbuo ziouc haih duqv longc naaiv norm qangx bun ninh mbuo zoux horpc Ging-sou. Oix zuqc zaah muonc nyei yiem yietc doix yietc doix nyei za'hmien, mangc gaax mbuo horpc zuqc tengx ninh mbuo dornng jaa nei fai.
- 9) Haaix doix se gorngv mbuo duqv tengx mbuenc liuz ninh mbuo nor mbuo aeng gauh hungh heic bun mbuo nqa'haav aengx haih mingh njaaux mingh kuinx ninh mbuo dongh ninh mbuo buangh aqc nyei ziangh hoc. yaac gauh hungh heic dorh ninh mbuo nyei lingh wuonh hlo jienv faaux.(follow up)

Hnangv haaix nor zoux.

1. Box bun jiu-bang hiuv taux naaiv norm gong hnangv haaix nor haih tengx duqv ninh mbuo, tengx duqv ninh mbuo nyei dorn sieqv. Yaac maaih zeiv bun ninh mbuo faaux mbuox nyunc bun mbuo dorh ninh mbuo buangh doic.
2. dorh ninh mbuo buangh doic yaac naaic waac ninh mbuo(Premarital Interview)
3. dingc ziangh hoc dorh ninh mbuo buangh doic hoqc.
4. sic jeiv nyei caux ninh mbuo jiu-tong. Dorh ninh mbuo hiuv duqv jiu tong caux hnamv Tin-Hungh nyei hmuangv doic weic zipv longx nyei nyungc zeiz yiem dornj jaa nyei seix. Yaac haih duqv bangh wuov ceix gorx.
5. tengx ninh mbuo dingc hnoi gapv huon, tengx ninh mbuo hiuv duqv hnangv haaix nor mbenc, oix zuqc mbenc haaix nyungc.

B. ceix i hmuangv guanh nyei gong (Couples Ministry)

Muoz deic: weic ceix jiex ziepc zuoqv hnyouv gan Giduc nyei mienh, yaac maaih wuonv nyei hmungv doic wuonv nyei jaa-dingh. Yaac hinc goiv yienc nyei maengc cuot.

1. ceix jiex ziepc zuoqv hnyouv nyei Giduc mienh. Weic zuqc dornj jaa nyei mienh se weih benx domh mienh aqv. Oix zuqc ceix ninh mbuo nyei lingh wuonh benx domh mienh. Dorh ninh mbuo jiex gorn liuc leiz fux sux Tin-Hungh yiem jiu-bang. Benx sieqv duqv fongc horc, siev duqv ninh mbuo nyei qaqv, ziangh hoc, caux zinh nyaanh, yaac laengz longc Tin-Hungh bun daaih nyei zingh nyei weic caqmv Tin-Hungh nyei guoqv jaangv mingh.
2. ceix wuonv nyei hmuangv doic jaa-dingh. Mbuo gengh oix zuqc maaih hnyouv ceix wuonv nyei hmuangv doic. Weic zuqc wuonv nyei hmuangv doic haih tengx mbuo nyei leiz fingx wuonv. Yaac benx gorn ndoqv bun jiu-bang wuonv. i hmuangv nyei maengc beiv taux Giduc caux jiu-bang, cingx daaih gengh oix zuqc maaih longx nyei fangx zeiv. Weic zuqc wangc siangx nyei hmuangv doic benx wuonv nyei gorn ndoqv bun jiu-bang henv. Mbuo cingx oix zuqc ceix jiex hmungv doic, orn hnyouv tengv jienv ninh mbuo gapv doic weic ceix jiex ninh mbuo nyei lingh wuonh.
3. taan goiv yienc nyei maengc bun doic. Dongh i hmuangv guanh juangc jienv yiem. Dorh nyei mienh maaih longx nyei nyungc dorh ninh mbuo. Ziouc haih zoux bun ninh mbuo nyei maengc goiv yienc zuangv Ziouv Yesu.

C. ceix fuqc jueiv faix yiem hnyangx jeiv 11 hnyangx njiec maengx nyei gong (Children's Ministry)

Muoz deic: weic tengx jienv jiu-bang mienh dongh maaih fuqc jueiv nyei mienh liepc ziangh maengc nyei gorn ndoqv bun ninh mbuo nyei gorn dorqv bun ninh mbuo nyei fuqc jueiv. Dorh fuqc jueiv daaih maaih jiu tong caux Tin-Hungh, zipv Ziouv Yesu mbenx ninh mbuo nyei Njoux Ziouv.

Mbuo siengx gorngv :-

- 1) Fuqc jueiv nyei maengc se longc jienv haic Tin-Hungh yaac gunv taux ninh mbuo.

- 2) Mbuo sienx gorngv fuqc jueiv Zipv Ziouv Yesu zoux njoux Ziouv se za'gengh tiuv ninh mbuo nyei maengc tiuv ninh mbuo nyei hnyouv nzuonx daai lorz Tin-Hungh, maiv zeiz maaih eix leiz dangh baav hnanv.
- 3) Mbuo sienx gorngv zeiz fuqc jueiv nyei gong se oix zuqc gorngv fuqc jueiv nyei waac bieqc hnyouv fuqc jueiv, zoux eix leiz caux duqv ninh mbuo njiec. Maiv haih longc caux domh mienh zoux gong nyei eix leiz mingh caux fuqc jueiv zoux.
- 4) Mbuo sienx gorngv zoux ceix fuqc jueiv nyei gong , oix zuqc zanc-zanc hnamv cuotv siang-zaeix, tiuv jienv mingh. Maiv zeiz zanc-zanc hnanv loz wuov nor zoux bun ninh mbuo eux.
- 5) Zoux gong-mienh ceix fuqc jueiv oix zuqc caux fuqc jueiv jiu tong zuoqc ninh mbuo nyei. Maiv zeiz kungx njaaux ging-sou hnanv
- 6) Fuqc jueiv ziangh daaih oix mienh laengz zipv ninh mbuo, hietv hnyouv ninh mbuo, maiv oix mienh gorngv nqemh ninh mbuo.fuqc jueiv gauh hung h hec sienx, gauh hung h hec dorh se gorngv mbuo mbenc gong daaih naauc ngitc nyei. Yaac maaih siang nyei za'eix. Zorn gongx bun ninh mbuo kuh mingh kuh mangc.
- 7) Fuqc jueiv hung h hec zuotc nyungc, oix zuqc faix fim gorngv nyei waac caux zoux nyei sic.

D. ceix fuqc jueiv-hlo (yiem junior high) nyei gong. (A ministry that impacts junior high students)

Muoz deic:- weic ceix fuqc jueiv yiem 6th grade mingh taux 8th grade. dau duqv zuqc ninh mbuo qiem zuqc nyei, yiem ninh mbuo jiu tong caux domh mienh, tengx ninh mbuo nyei nqa'qiex, ninh mbuo nyei hnyouv. Ninh mbuo nyei lingh wuonh Hnanv haaix nor ceix ninh mbuo?

- 1) zoux gong tengx ninh mbuo nyei mienh oix zuqc lengc jeiv yaac sic jeiv yietc dauh yietc dauh jiu tong caux ninh mbuo zuoqc ninh mbuo, laengz zipv ninh mbuo.
- 2) Tengx ninh mbuo hiuv duqv Tin-Hungh buac ninh mbuo maaih lamh longc yaac hnamv ninh mbuo nyei. Weic zuqc ninh mbuo kungx maaih waac naaic, naaic wuov naaic naaiv. Ninh mbuo maaih lamh longc nyei fai? Mienh oix ninh mbuo nyei fai maiv oix.
- 3) Taan Ging-sou bun ninh mbuo gengh oix zuqc bieqc taux ninh mbuo naaiv baan mienh nyei maengc. Dorh ninh mbuo zoux drama. Dongh panx taux naaiv baan mienh nyei maengc. Cingx haih bun ninh mbuo gauh bieqc hnyouv.

E. ceix mienh lunx mienh nyei gong. (A high school ministry)

Muoz deic: weic tengx high school nyei mienh lunx mienh haih souv wuonv yiem sienx fim yaac gan longx Tin-Hungh zorn mbenc ninh mbuo benx jiu-bang nyei qaqv. Yaac tengx ninh mbuo fungx maengc bun Tin-Hungh longc.maiv zeiz bun zuiz longc.

Tengx ninh mbuo

- 1) **GRACE=** Tengx ninh mbuo sic jeiv nyei hiuv duqv Tin-Hungh nyei en, hiuv duqv dingc Ziouv Yesu zoux ninh mbuo nyei njoux Ziouv. Maiv guangc ninh mbuo.
- 2) **GROWTH=** tengx ninh mbuo longc hnyouv liuc leiz ninh mbuo nyei lingh wuonh hlo benx domh mienh, bun ninh mbuo maaih maengc goiv yienc, haih hnamv, haih daav za'eix, haih liuz leiz gong, benx jienv domh mienh mingh.

- 3) **GROUP**=tengx ninh mbuo longc hnyouv nyei juangc jienv doic ceix mienh lunx guanh. Ziepc zuov hnyouv bun doic.
- 4) **GIFTS**= tengx ninh mbuo horqc hiuv yaac zieqv duqv Tin-Hungh bun ninh mbuo nyei zingh nyeic dorh daaih longc weic fux sux Tin-Hungh
- 5) **GIVING**= tengx ninh mbuo horqc hiuv taux maaih buonc liuz leiz Tin-Hungh nyei gong, caux jienv benx yietc norm sin yaac fongc horc zinh nyaanh weic dengv jiu-bang nyei gong.

F. **ceix domh mienh dongh maiv gaengv dong jaa nyei mienh** (single adult ministry)
Muoz deic: weic tengx hnyangx jeiv horpc zuqc dong jaa mv baac maiv gaengv duqv dorng jaa nyei mienh, (20 hnyangx faaux maengx) haih souv duqv wuonv yiem seix hnyouv nyei sic, dorh duqv ninh mbuo nyei maengc cing-nzengc, yaac haih longc Tin-hungh nyei za'eix lorz cai-doix. Tengx ninh mbuo bungx hnyouv Tin-Hungh. Tengx ninh mbuo buatc taux fux sux Tin-Hungh se longc jienv jiex. Bun ninh maaih guanh daaih laanh ceix jiex laanh, laanh zaangv laah.

G. **ceix m'sieqv dorn guanh nyei gong** (women's ministry)
Muoz deic: weic tengx zornng mbenc m'sieqv dorn fux sux Tin-hungh, tengx ninh mbuo nyei lingh wuonh hlo, haih dengv hmuang doic fux sux Tin-hungh, yaac zoux kuv maa, kuv auv. Kuv gux

hngangv haaix sienx taux m'sieqv dorn nyei jauv.

- 1) m'sieqv dorn se guei hnamv nyei jauv yaac gauh muonc tengx mbuo hnamv duqv gauh longx. Zoux haaix nyungc yaac sung maaih yietc nyeic, Yaac maaih haangh dauh haic nyei yiem jiu-bang.
- 2) M'sieqv dorn faix fim nyei longc ziangh hoc, zoux haaix nyungc oix hnamv mangc gaax zic duqv guangc ziangh hoc nyei fai.? Zoux liuz gengh duqv zoux ziangx nyei fai? Zoux haaix nyungc gengh oix zoux taux duqv.
- 3) M'sieqv dorn maaih hnouv oix zorc ganh bun gauh longx jienv mingh (self-improvement) maiv gunv yiem buonh sin fai, horqc hiuv fai, hnyouv zoih fai lingh wuonh.
- 4) Daanh faanh m'sieqv dorn buangh doic nor ndongc haaix zungv cuotc nyugc za'eix aqv.
- 5) Haaix guanh mienh caa zuqc m'sieqv dorn nor hngangv cipv biangh nyei ndongh maiv maaih biangh zipv wuov nor. Hngang janx kaeqv deic bung nyei zornng-jaec maiv maaih ndiangx wuov nor.
- 6) M'sieqv dorn gauh jorm hnyouv gauh suonc hnyouv buoqc Tin-Hungh.
- 7)

Ninh mbuo haih zoux cuotv haaix nyungc?

- 1) maaih buangh doic horqc ging-sou
- 2) ceix sai-gox yiem m'sieqv dorn mbu'ndongx
- 3) Koi m'sieqv dorn nyei wuic. Ceix jiex ninh mbuo nyei sienx fim
- 4) cuotv mingh mangc mienh, orn hnyouv mienh nyei guanh. Zoux zingh ginx
- 5) buangh doic horqc taux zouv siang-lai, zoux siang-njuov. Horqc taux zoux biangh zornng nzueic nyei jauv. Zornng leiz baaix dorng.
- 6) Tengx m'sieqv dorn doic yiem jiepv sih nyei jauv.
- 7) Beaux nzung atv nzung fungx bun Vietnam deic bung mienh. Beaux nzung-ei zoux zingh ginx.

- 8) Zoux g'naaiv maaic lorz nyaanh bieqc jiu-bang.
- 9) Feux dorngx goux cing-nzengc nyei jauv.
- 10) Haih njaaux ging-sou, liuc leiz ging-sou horqc

H. ceix m'jancg dorn guanh nyei gong(Men's ministry)

Muoz deic caux qiem zuqc nyei: m'jancg dorn weih zoux bieiv dorh hmuangv doic, yaac liuc leiz goux yungz hmuangv doic, maaiah qangx yaac oix zuqc liuc leiz bieiv zeiv nyei gong yiem jiu-bang, yiem community, maaiah kuonx hnyouv nyei jauv, lomh zoih buangh seix hnyouv nyei sic fih hngangv, maaiah fih hngangv nyei oix. Kuh gapv jienv doic laanh ceix laanh yiem sienx fim. Yaac haih cuotv banh zeic weic Tin-Hungh nyei guoqv.

Hnangv haaix nor zoux?

- 1) gapv doic horqc ging-sou, horqc taux zoux kuv die, kuv nqox, zoux lingh wuonh nyei dengv bieiv mienh.
- 2) Gapv doic laanh orn laanh nyei hnyouv, taux lomh zoih buangv zuqc nyei aqc nyei jauv. Caux seix hnyouv nyei sic.
- 3) Jiu-tong doic weic baav jienv jiu-bang nyei m'jancg dorn dongh sienx fim mau wuov deix. Bun ninh mbuo maaiah doic yiem guh nyuoz jiu-bang, maiv cuotv mingh caux zuqc nyiec nyei doic. Outdoor game.
- 4) Juangc jienv daav za'eix ceix jiu-bang nyei gong. Beiv hnangv lorz nyaanh bieqc jiu-bang. Maaiz dongh qiemx longc nyei ga'naaiv.

I. ceix mienh gox guanh nyei gong (elderly People Ministry)

Muoz deic caux qiemx zuqc tengx : Weic zuqc mienh gox se ndoqc nyei mienh, buonh sin yaac maiv wangc siangx, maaiah deix zungv naiv nangc haih tengx duqv ganh, dorn jueiv yaac oix zuqc zoux gong lorz nyanc. Qiex zuqc duqv zipv orn hnyouv bun maaiah lamh hnamv hnamv mingh wuov ndaangc taux Tin-Hungh nyei ngaengc waac. Maaiah deix yiem wuov biau v maaiah deix yiem ndie-sai biau v, maaiah deix yaac yiem nursing home lo haaix.

Hnangv haaix nor zoux?

- 1) lorz maaiah hnyouv korh lienh mienh gox mienh, maaiah fux sux nyei zingh nyei nyei mienh liuc leiz.
- 2) Mingh mangc mienh gox mienh yiem wuov biau v fai ndie-sai biau v uix hnaangx ninh mbuo, fai dorh njuov mingh bun ninh mbuo nyanc.
- 3) Dorh cie mingh zipv ninh mbuo daai buangh doic maaiah jiu-tong gorngv waac nzaauc, juangc jienv hoqc ging-sou.
- 4) Dorh ninh mbuo horqc corng buoz-zauz, exercise.
- 5) Juangc jienv zoux biangh don diev fai zorng zueic nyei ga'naaiv.
- 6) Dorh ninh mbuo cuotv mingh ndorqc hlen yangh jauv, mangc kuh mangc nyei dorngx.
- 7) Maaiah ninh mbuo maiv gaengv sienx nyei doic daaih caux jienv buangh nor mbuo yaac duqv zoux zingh ginx dorh ninh mbuo sienx.

3. Jiu-bang liepc daaih weic zunh Yesu nyei kuv fienc (evangelism)

“18 Yesu daaih fatv deix mbuox ninh mbuo, “Yiem lungh yiem ndau yietc zungv hatc maaz Tin-Hungh jiu bun yie mi'aqv. 19 Weic naaiv, meih mbuo oix zuqc mingh njaaux maanc fingx mienh zoux yie nyei sai-gorx. Oix zuqc dengv Die Dorn caux Singx Lingh nyei mbuox tengx ninh mbuo jiex wuom nyei leiz, 20 yaac njaaux ninh mbuo ei nzengc yie mbuox meih mbuo zoux nyei nyungc-nyungc. Jangx jienv oc.Yie yietc liuz caux meih mbuo yiem taux baamh gen nyei nyutc zeiv jiex.” (Matv^taa28:19-20)

mbuo jiu-bang horpc zuqc zipv naaiv domh paaiv nyei waac daaih benx mbuo longc jienv jiex nyei gong yiem jiu-bang, bun dauh jiu-bang mienh hiuv duqv gorngv naaiv se benx ninh mbuo

neyi gong. Njaaux yaac dorh ninh mbuo hiuv duqv taan Yesu neyi kuv fiensex, gorngv mbuo nih mbuo neyi cien-ceqv, muoz-doic, doic fai juage laangz mienh, mingh taux yiem go neyi mienh taux ganh fingx mienh hiuv taux kuv fiensex Tin-Hungh guangc baanh mienh neyi zuiz nipc, dorh mienh goiv hnyouv nzuonx daaih caux Tin-Hungh horpc hnyouv. Heuc mienh nzuonx daaih zipv njaaux caux zorn- mbenc weic fux sux nih zoux ninh neyi gong-mienh. Zoux zorn- nzengx bun Ziouv Yesu yiem ndorm muonz ninh mbuo zoux sic ei Ging-sou neyi waac,caux gorngv neyi waac, yaac maaih hnyouv nzauh heix taux maiv gaengv duqv njoux neyi mienh. “8 Mv baac Singx Lingh njiec daaih yiem meihmbuo neyi sin wuov zanc meih mbuo ziouc duqv Singx Lingh neyi qaqv yiemYe^lu^saa^lem Zingh, mingh gormx Yu^ndie caux Saa^maa^lie Saengv, aengx mingh jomc lungh ndiev tengx yie zoux zorn-zengx.” (Gong-zoh 1:8) “3 Yaac oix zuqc tengx yie mbuo daux gaux, tov Tin-Hungh bun yie mbuo maaih qangx zunh gorngv Tin-Hungh mbiangx yaangh neyi sic se Giduc. Yie ih zanc laaix zoux naaiv nyungc gong zuqc wuonx jienv loh. 4 Oix zuqc tov Tin-Hungh tengx yie haih gorngv mengh naaiv deix mbiangx yaangh neyi sic hnavg yie horpc zuqc gorngv nor. 5 Oix zuqc longc cong-mengh caux maiv sienx neyi mienh jiu tong. Yaac oix zuqc maiv dungx guangc ziangh hoc. 6 Meih mbuo oix zuqc gorngv waac kuh muangx yungh mienh, hnavg an nzauv bun ga'naaiv maaih mueix nor, weic bun meih mbuo hiuv duqv hnavg haaix nor dauh duqv hopc dauh dauh mienh naaic neyi waac.(Ko^ko^si 4:3-6)

13 “Meih mbuo se hnavg nzauv weic yiem baamh mienh mbu'ndongx. Se gorngv nzauv neyi mueix tuix zaamv mingh, maaih haaix nyungc za'eix bun nzauv aengx haih nzaaih daaih? Naaiv deix nzauv maiv lamh longc aqv. Oix zuqc dox njiec ndau bun mienh caaiv hnavg. 14 “Meih mbuo se hnavg njang weic ziux baamh mienh. Yietc norm zingh yiem wuov mbong-ningv maiv haih bingx maiv mbueiz mienh. 15 Yaac maiv maaih mienh diemv zieqc dang daaih, zorqv tongv nqopv jienv. Dang m'daaih don dang neyi baaih ziux njang yietc biauv mienh. 16 Meih mbuo yaac oix zuqc hnavg dang nor, ziux lungh ndiev mienh. Hnavg naaic, ninh mbuo duqv buatec meih mbuozoux neyi kuv sic ziouc ceng meih mbuo neyi tin-dorngh Diex.” (Matv^taai 5:3-6) . 36 Yesu buatec naaiv deix mienh camv ninh za'gengh! haiz korh lienh haic weic zuqc ninh mbuo kouv haic, maiv lamh kaux dorngh, hnavg guanh ba'gi yungh maiv maaih ziouv goux nor. 37 Yesu ziouc mbuox ninh neyi sai-gorx mbuo, “Gaeng-zuangx camv mv baac gong-mienh zoqc. 38 Weic naaiv oix zuqc tov gaeng-zuangx neyi Ziouv paaiv gong-mienh cuotv mingh siou ninh neyi gaeng-zuangx.” (Matv^taai 9:36-37)

“14 Se gorngv mienh maiv gaengh sienx Yesu Giduc, ninh mbuo hnavg haaix nor haih heuc ninh? Se gorngv maiv gaengh haiz haaix dauh gorngv jhex Yesu neyi jauv-louc, ninh mbuo hnavg haaix nor haih sienx? Se gorngv maiv maaih haaix dauh zunh kuv fiensex bun ninh mbuo muangx, ninh mbuo hnavg haaix nor haih duqv haiz kuv fiensex? 15 Se gorngv maiv maaih haaix dauh paaiv mienh mingh zunh kuv fiensex, mienh hnavg haaix nor haih mingh zunh? Hnavg Ging-Sou gorngv nor, “Buatec mienh daaih zunh kuv fiensex gengh a'hneiv haic aqv.” 16 Mv baac maiv zeiz I^saa^laa^en Mienh dauh dauh zipv kuv fiensex weic zuqc I^saa^yaa gorngv, “Ziouv aac, haaix dauh sienx yie mbuo zunh neyi waac?” 17 Hnavg naaic, mienh sienx weic zuqc ninh mbuo haiz Giduc neyi doz. Ninh mbuo duqv haiz weic zuqc maaih mienh mingh zunh bun ninh mbuo muangx.(Lomaa 10:14-17)

(Aengx zaah mangc Matv^taai 22:37-39; E^fe^so 3:16-19; 4:13)

Dengv taux naaiv qang jiu-bang neyi muoz deic neyi gong, fai za'eix.

- A. Zunh kuv fiensex guanh (evangelism ministry)
- B. Fungx haengh douh cuotv nyiec guoqv. (International Ministry)
- C. Dorh mienh nzuonx daaih caux Tin-Hungh horpc hnyouv. (Ministry of reconciliation.)

4. Jiu-bang liepc daaih weic taan Tin-Hungh neyi hnamv cuotv bun lungh ndiev Mienh (extension)

“Hungh Diex ziouc mbuox yiem mbiaauc maengx wuov deix mienh, ‘Meih mbuo naaiv deix yie neyi Die ceix fuqv neyi mienh aah! Gunv daaih aqv. Daaih zipv dongh zinh ndaangc zeix lungh

zeix ndau wuov zanc Tin-Hungh liuc leiz ziangx bun meih mbuo wuov norm guoqv, 35 weic zuqc yie ngorc, meih mbuo bun yie nyanc. Jaang nqaatv, meih mbuo yaac bun wuom yie hopv. Yie zoux jiex jauv nyei mienh, meih mbuo yaac zipv yie yiem meih mbuo nyei biauv. 36 Maiv maaih lui-houx zuqv, meih mbuo yaac bun yie maaih zuqv. Butv baengc, meih mbuo yaac goux yie. Yie zuqc wuonx jienv”(Matv^taai 25:34-36)

cuotv liuz zunh kuv fienv Ziouv Yesu yaac paaiv jiu-bang oix zuqc hinc Tin-Hungh nyei hnamv caux ninh maaih hnyouv korh lienh mienh cuotv mingh taux lungh ndiev mienh duqv zipv. Jiu-bang yaac oix zuqc souv wuonv ngaengc jienv doix dekc taux waaic nyei nyei lungh ndiev. Mbuo maiv haih lorz dornx kuv yiem nyei yiem jienv liuz maiv gunv taux, mbuo zuqc benx lungh ndiev mienh maaih lumh kaux nyei dongx, mienh haih duqv bingx laangh nyei dornx. Mienh duqv zipv hnamv caux orn hnyouv nyei dornx. Weic biux mengh taux Tin-Hungh nyei baeqc fingx, cingx nzengc nyei mienh. Maaih Tin-Hungh caux yiem nyei wuov jauv mienh.

“meih mbuo ziouc zoux Tin-Hungh nyei cing-nzengc, maiv lamh guaix dornx nyei naamh nyouz. Meih mbuo oix zuqc yiem baamh gen, hnyouv waaic, baamz zuiz mienh nyei dornx mbu'ndongx ziux njang hnavg hleix yiem wuov lungh ziux jienv njang nor,”(Fi^lipv^poi 2:15)

10 Zuangx mienh naaic gaax Yo^han, “Hnavg naaic yie mbuo oix zuqc hnavg haaix nor zoux?” 11 Ninh dau, “Haaix dauh maaih i deix lui oix zuqc bun deix maiv maaih wuov dauh. Haaix dauh maaih hnavg nyanc yaac oix zuqc bun deix ngorc nyei mienh nyanc.” 12 Maaih deix tengx Lomaa hungh jaa siou nzou nyei mienh daaih lorz Yo^han, oix jiex wuom nyei leiz. Ninh mbuo naaic gaax, “Fin-saeng aah, yie mbuo ni? Oix zuqc hnavg haaix nor zoux?” 13 Yo^han dau, “Meih mbuo horpc zuqc siou mbu'ziex, oix zuqc siou mbuoqc wuov hnavg.” 14 Maaih deix baeng aengx naaic ninh, “Yie mbuo ni? Oix zuqc hnavg haaix nor zoux?” Yo^han dau, “Maiv dungx la'guaih lom-huv, nduov mienh nyei nyaanh nyanc. Maiv dungx gox jaav sic hoic mienh. Meih mbuo nyei gong-zinh duqv mbu'ziex oix zuqc hnyouv nqaai.”(Lu^gaa 3:10-14) Yie mbuo longc nyei jaax-muotc se maiv zeiz baamh gen nyei jaax-muotc, se Tin-Hungh henv aic nyei jaax-muotc weic porx waaic win-wangv wuonv haic nyei dornx. Se porx waaic mienh zaeng nyei nyungc-nyungc jaav sic 5 caux ceng-hlo nyei nyungc-nyungc, dongh laanh jienv maiv bun mienh hiuv duqv Tin-Hungh nyei sic(2 Ko^lin^to 10:4-5)

“mbuo hiuv duqv maaih hnamv mienh nyei hnyouv se hnavg haaix nor weic zuqc Yesu weic mbuo siev ninh nyei maengc. Mbuo yaac oix zuqc weic mbuo nyei gorx-youz siev maengc.” (1 Yohan 3:16)

buonc deic jiu-bang horpc zuqc mbuenc nyei za'eix weic dengv taux naaiv qang muoz deic.

- A. mbenc nyanc hopv lai hnavg caux lui houx bun qiemx zuqc nyei mienh (Food Pantry Ministry)
- B. Tengx lorz gong bun ndortv gong nyei mienh. (Careers Ministry)
- C. Tengx m'sieqv dorn toi guh nguaaz nyei mienh, caux doqc nyei mienh. (Alone and Pregnant)
- D. Tengx zorc cie bun maiv maaih nyaanh zorc cie nyei mienh.(Cars Ministry)

buonc deic jiu-bang hopc zuqc maaih nyei za'eix

Se gornxv mbuo mangc Ziouv Yesu paaiv nyei waac.(The Great Commission) yiem Matv^taai 28:18-20 “ Yesu daaih fatv deix mbuox ninh mbuo, “Yiem lungh yiem ndau yietc zungv hatc maaz Tin-Hungh jiu bun yie mi'agv. 19 Weic naaiv, meih mbuo oix zuqc mingh njaaux maanc fingx mienh zoux yie nyei sai-gorx. Oix zuqc dengv Die Dorn caux Singx Lingh nyei mbuox tengx ninh mbuo jiex wuom nyei leiz, 20 yaac njaaux ninh mbuo ei nzengc yie mbuox meih mbuo zoux nyei nyungc-nyungc. Jangx jienv oc.Yie yietc liuz caux meih mbuo yiem taux baamh

gen nyei nyutc zeiv jiex.” (Matv[^]taai 28:19-20) mbuo buac Ziouv Yesu longc Zaangc Diex jiu bun ninh nyei hatc maaz paaiv mbuo zoux se maaih 2 nyungc za’eix.

1. **Weic maiv gaengv sienx nyei mienh.** Oix zuqc cuotv mingh njaaux maanc fingx mienh. Cuotv mingh lorz maiv gaengv sienx nyei mienh, dorh ninh mbuo goiv hnyouv nzuonx daaih zoux Yesu nyei sai-gorx. v.19
2. **Weic sienx liuz nyei mienh.** Njaaux ninh mbuo ei nzengc yie mbuox meih mbuo nyei nyungc-nyungc. Duqv mienh sienx liuz mbuo aengx oix zuqc maaih za’eix njaaux ninh mbuo zoux ei Ging-sou nyei waac nyungc-nyungc.